

李士材 著

傷寒括



上海科學技術出版社

傷寒括要自序

傷寒證治自古難之。始於仲景。後賢纂述。無慮百家。而在人耳目間者。十有餘種。不患其不備。患其多而眩也。寡聞者無問。卽漁獵甚富。而玄英未辨。祇如侏儒觀場。隨衆喧喝。疇能千支萬派。匯歸一源。而有張長沙。若合符節耶。自非丹鉛幾偏。而髓竭心枯者。未易語也。余髮始燥。便讀仲景書。今且雪盈巔矣。上下南陽易水間。紙敗墨渝。始成授珠十帙。乙酉春杪。集甫竣。而燬於兵火。己丑春。孟謀梓之。而艱於費。且念多則惑。少則得。古語諄切。今授珠雖備於義。而後學或苦其繁。曷若以一莖筆。現丈六紫金。俾入門徑。而登高捷乎。遂以授珠刪繁去複。簡鑿選玄。僅得十之二。而竟無漏義矣。顏曰括要。謂括義詳而徵詞簡也。及門之能諳其義。而噓枯振槁。獨有許石子一見領之。且汲汲於壽世。乃捐金付諸剞劂。或謂傷寒多緒。易於舛誤。是刻帙不盈寸。遂足指南乎。余應之曰。擬登泰山。非徑奚爲。欲指扶桑。無舟莫適。非謂執此可以盡廢百家。謂諳此可以折衷千古也。夫病機繁雜。變遷無窮。如珠走盤。縱橫不可測。雖縱橫不可測。而終不出此盤也。是帙者其珠之盤乎。審是帙者其持盤者乎。操通靈之法。以應無窮之變。惟變取適。而不膠於法。斯善讀括要者矣。

順治六年歲次己丑上元日。盡凡居士李中梓士材甫識。

傷寒括要凡例

一仲景爲傷寒鼻祖。雖後賢蜂起。莫能越其範圍。然有發仲景之奧旨。補仲景之未備者。無不採收。更附以一得之愚。使學者一覽無餘。不致遺珠之嘆耳。

一釋仲景書者。惟成無己最爲詳明。然智者一失。時或有之。必本諸經文。要諸至理。詳爲條辨。用正千古之訛。非敢以臆見。妄肆譏評也。

一仲景立方。動以飭計。或稱升合者。何其多也。及考其用末藥。只服方寸匕。圓藥如梧桐子大者。多不過三十粒。又何其少也。丸散湯液。豈得如此懸絕耶。千金本草。皆以古三兩爲今一兩。古三升爲今一升。可爲準則。蓋衡數以二十四銖爲兩。漢制六銖錢。四箇爲一兩。宋制開元錢。十箇爲一兩。大約完三分之一耳。且仲景湯液。並分三次服。則輕重止得三分之一。而服法又得三分之一。豈非古之一兩。僅得今之一錢乎。局方綱目。概以今之五錢。作爲一劑。則失之太少。陶氏吳氏。各以意爲重輕。盡變古法。則其失更甚。茲刻方藥。悉選仲景古本。不敢輕於變古也。但世有古今。時有寒暑。地有南北。藥有良獷。人有強弱。惟明達者。隨在變通。爲得耳。

一前輯授珠。每一症。先列仲景全文。次列後賢續論。次列管窺總釋。茲刻欲其簡便。不能盡遵全文。有複字。及不緊要字。稍稍節去。然其要旨。固

已據拾無剩矣。

一 仲景傷寒論例。凡曰太陽病者。皆謂脈浮惡寒。頭項強痛也。凡曰陽明病者。皆謂胃家實也。凡曰少陽病者。皆謂口苦咽乾目眩也。凡曰太陰病者。皆謂腹滿痛吐利也。凡曰少陰病者。皆謂脈微細但欲寐也。凡曰厥陰病者。皆謂氣上冲心痛吐衄也。如少陰病。反發熱脈沉。用麻黃附子細辛湯者。謂脈沉細。但欲寐。而又反發熱者。用是方也。後人不解其意。不察少陰病。所括脈微細。但欲寐之症。第見發熱脈沉。便用麻黃附子細辛湯。大失仲景之旨。姑舉一以例其餘。

一 後賢以慎重太過。凡仲景重劑。輒以輕劑代之。如以冲和湯代麻黃湯之類。不可枚舉。而仲景之微奧隱矣。殊不知有是病。則服是藥。如鑰之配鎖。不可移易者也。其禍人者。皆藥不對症耳。彼易以輕劑者。是欲以柔土任強弓。安望其中的哉。茲刻悉遵古法。第詳別脈症。自無妄投之失矣。

一 仲景傷寒論。暨金匱要略。誠爲千古醫宗。但文辭簡古。義味深玄。非熟讀深思。未易明了。不揣庸俚。將以註疏。暢其言外之旨。開其晦蝕之光。客嗣布之。以就正有道。

傷寒括要卷上

傷寒總論

雲間念菴李中梓士材父著
同郡再菴張安苞子固父較
浙江後學裘慶元吉生重校

冬令嚴寒。萬類閉藏。君子固密。則不傷於寒。觸犯其邪。名曰傷寒。夫四時之氣。皆能爲病。而傷寒獨甚者。以其殺厲之氣也。冬月感而卽病者。爲正傷寒。冬不卽病。寒邪藏于肌膚。至春而發。名爲溫病。至夏而發。名爲熱病。獨不言至秋爲涼病者。何也。寒水之氣。與火爲仇。遇仇不發。已爲火勝。而長夏濕土。又制水邪。况逢金令。金得寒而愈堅。故秋月無傷寒也。秋病之似傷寒者。皆夏月納涼之邪。或時行不正之氣。或秋令涼氣之邪耳。仲景方法。爲冬月卽病之正傷寒設也。後世混將冬月傷寒之方。通治春夏溫熱之病。遺禍至今。未有能改。陶節菴以麻黃桂枝。難以輕投。竟以冲和代之。施于時疫之病。猶或可也。用於傷寒之症。不亦悖乎。深嗟今之治傷寒者。在一二日。不問屬虛屬實。便汗之。在三四日。不問在經在腑。便和之。在五六日。不問在表在裏。便下之。投劑一差。幽泉沉寃矣。人之表裏虛實不同。邪之傳變異氣各別。奈何拘於日數。不審形證耶。且寒邪傷人。原無定體。或自太陽始。日傳一經。六日傳至厥陰而愈者。或不罷而留滯一經者。

或間經而傳者。或但傳二、三經而止者。或始終只在一經者。或越經而傳者。或陽經一齊合病者。或陽經後先併病者。或初入太陽。不作鬱熱。便入少陰。而成陰症者。或直中陰經。而爲眞寒者。或傷生冷。而爲內傷寒者。必審脈驗症。辨名定經。確然無疑。然後投劑。日數雖多。但見表症。脈浮者。猶宜汗之。日數雖少。但見裏症。脈沉者。卽當下之。若表裏症俱見。或表裏症俱無。此屬半表半裏。禁汗禁下。禁吐。但當和之。若日久不愈。脈虛神困者。便當補之。果能辨陰陽。審表裏。察虛實。譬之善射。莫不中的矣。

腎虛人易犯傷寒論

腎屬寒水。主令在冬。故內經以爲閉蟄封藏之本。以慾耗其精。則不能奉若天時。封藏固密。遂致太陽踈滲。寒邪易侵。若腎臟堅固。卽使迫於寒威。受邪輕淺。治之卽痊。腎臟虛衰。略冒寒邪。便爾深重。醫藥難療。故曰。傷寒偏死腎虛人。良非虛語。

不服藥爲中醫論

傷寒傳變淆訛。症端錯雜。且肅殺之氣。最爲毒烈。醫者不能博古衡今。漫投湯劑。鮮不夭枉。致令憤激之說。以不服藥爲中醫。豈其然哉。惟正氣實而邪氣輕者。或可俟其經盡而愈。若正氣虛而邪氣重者。非按法施治。何由得痊。譬如人溺洪濤。命在呼吸。不爲援手。而聽其自渡。恐全活者幾希矣。

兩感論

一日太陽受之。卽與少陰俱病。則頭痛。陽大口乾。煩滿而渴。陰少二日陽明受之。卽與太陰俱病。則身熱譫語。陽明腹滿不欲食。陰太三日少陽受之。卽與厥陰俱病。則耳聾。少陽囊縮而厥。厥陰病至六日。腑臟之氣俱盡。營衛之氣俱絕。則死矣。仲景既論兩感爲必死之症。而復曰治有先後者。蓋不忍坐視而覲其萬一之活也。如下利身痛。則先救裏。不利身痛。則先救表。表症多者發表爲急。裏症多者攻裏爲先。東垣曰。虛而感之深者必死。實而感之淺者或生。用大羌活湯十救一二。

時行疫症

春應暖而反寒。夏應熱而反涼。秋應涼而反熱。冬應寒而反溫。非其時而有其氣。觸冒之者。沿門遍戶。長幼相似。此時行疫症也。春感寒邪。升麻葛根湯。夏感涼邪。調中湯。秋感熱邪。蒼朮白虎湯。冬感溫邪。萎蕤湯。表不愈者。芍蘇散。裏不愈者。調胃承氣湯。或成大頭瘟者。當辨其經。先於鼻額紅腫。以致面目腫盛。陽明也。壯熱氣喘。口乾咽痛。脈數而大。普濟消毒飲。耳旁及頭角紅腫。少陽也。往來寒熱。潮熱。口苦咽乾。目痛脇痛。小柴胡湯。加花粉芩翹。發于項上。及腦後項下。目後赤腫者。太陽也。荊芥敗毒散。三陽俱受邪。普濟消毒飲。不可峻攻。恐邪氣內陷也。虛人兼扶正氣。便結者微下之。

傷寒十六症

傷寒者。寒傷營血。脈浮而緊。頭痛發熱。無汗惡寒。傷風者。風傷衛氣。脈

浮而緩。頭痛發熱。有汗惡風。傷寒見風者。既傷于寒。復感風邪。惡寒不

躁。其脈浮緩。傷風見寒者。既傷于風。復感寒邪。惡風煩躁。其脈浮緊。上

四症皆冬月即病者

溫瘧者。冬受寒邪。復感春寒。脈陰陽俱盛。症寒熱往來。風溫者。冬受寒

邪。復感春風。頭痛身熱。自汗身重。默默欲眠。語澁鼻鼾。四肢不收。尺寸俱

浮。又發汗後。身猶灼熱者。亦名風溫。溫疫者。冬受寒邪。復感春溫時行

之氣。溫毒者。冬受寒邪。春有非時之熱。復感其邪。或有發瘧者。已上五症

病發於春故皆有溫之名也

熱病者。冬傷于寒。至夏乃發。頭疼身熱惡寒。其脈洪盛。冬傷于寒

暑者。暑熱為邪。自汗煩渴。身熱脈虛。傷濕者。感受濕邪。身重而痛。自汗

微熱。兩足逆冷。四肢沉重。胸腹滿悶。風濕者。既受濕氣。復感風邪。肢體

重痛。額汗脈浮。瘧者。身熱足寒。頭項強急。面紅目赤。口噤頭搖。角弓反

張。若先受風邪。復感于寒。無汗惡寒為剛瘧。先受風邪。復感於濕。惡風有

汗為柔瘧。仰面而臥。開口為陽。合面而臥。閉目為陰。浮緊口渴屬陽。沉細

口和屬陰。

類傷寒六症

一曰痰症。停痰留飲。自汗胸滿。發寒熱。但頭不痛。項不強。與傷寒異。二

曰食積。胸腹滿悶。發熱頭痛。但身不痛。氣口脈盛。與傷寒異。三曰虛煩。

氣血俱虛。煩躁發熱。但身不痛。頭不痛。不惡寒。不浮緊。與傷寒異。四曰

腳氣。足受寒濕。頭痛身熱。肢節作痛。便閉嘔逆。但腳腫痛。或枯細。與傷寒

異。五曰瘀血。跌觸損傷。胸脇腹痛。手不可近。但頭不痛。脈不浮緊。與傷寒異。六曰內癰。發熱惡寒。胸痛而咳。濁唾腥臭。右寸數大。爲肺癰。小腹重痛。便數如淋。皮膚甲錯。腹皮腫急。脈滑而數。爲腸癰。胃脘大痛。人迎脈盛。胃脘癰也。但無頭痛。項強。與傷寒異。

內傷外感辨

內傷外感。頗相疑混。誤治必死。極當詳辨。外感則人迎大于氣口。內傷則氣口大於人迎。外感則寒熱齊作而無間。內傷則寒熱間作而不齊。外感惡寒。雖近烈火不除。內傷惡寒。得就溫暖卽解。外感惡風。乃惡一切風寒。內傷惡風。惟惡些小賊風。外感症顯在鼻。故鼻塞不利。而壅盛有力。內傷症顯在口。故口不知味。而腹中不和。外感邪氣有餘。故發言壯厲。先輕而後重。內傷元氣不足。故出言懶怯。先重而後輕。外感頭痛。常常而痛。內傷頭痛。時作時止。外感手背熱。手心不熱。內傷手心熱。手背不熱。若內外相兼而病者。尤當細辨。以內症多者。是內傷重于外感。補養爲先。外症多者。是外感重于內傷。解散爲急。此東垣未發之旨也。

治傷寒宜蚤

仲景曰。傷寒初起。卽時求治。凡作湯藥。不避晨夜。醫之稍遲。病卽傳變。必難爲力矣。凡作汗藥。雖言一日三服。若病劇者。半日中可盡三服。一日一夜。當時時觀之。如救焚拯溺。不容少怠。

視傷寒宜詳

凡看傷寒。自頂至踵。最宜詳察。一有不到。錯誤匪輕。仲景云。觀今之醫。各承家技。始終順舊。省疾問病。務在口給。相對斯須。便處湯劑。按寸不及尺。握手不及足。人迎跌陽。三部不參。動數發息。不滿五十。明堂闕庭。盡不見察。夫欲視死別生。實爲難矣。嗟乎。業已稱醫。人之司命。孟浪至此。烏乎可哉。

辨成氏再傳之訛

傷寒傳經。自表入裏。由淺漸深。故六經以次受之。六經傳盡。無出而再傳之理也。太陽爲三陽。最在于外。陽明爲二陽。在太陽內。少陽爲一陽。在陽明內。此三陽爲表也。太陰爲三陰。在少陽內。少陰爲二陰。在太陰內。厥陰爲一陰。在少陰內。此三陰爲裏也。皆由內以數至外。故一二三之次第如此。一二日始於太陽。二三日傳於陽明。三四日少陽。四五日太陰。五六日少陰。六七日厥陰。此論其常耳。若論其變。或間經。或越經。或始終一經。不可以次第拘。不可以日數限也。大抵傳至厥陰。爲傳經已盡。不復再傳矣。乃成氏云。六日厥陰爲傳經盡。七日當愈。七日不愈者。再自太陽傳至十二日。復至厥陰爲傳經盡。十三日當愈。十三日不愈者。謂之過經。其說謬矣。善哉馬仲化曰。自太陽以至厥陰。猶人從戶外而升堂而入室也。厥陰復出而傳于太陽。奈有少陰太陰少陽陽明以隔之。豈有遽出而傳太陽之理乎。仲景太陽篇云。太陽病。頭痛七日以上自愈者。以行其經盡故也。若欲作再經者。針足陽明。使經不傳則愈。此言始終只在太陽一經者也。

故太陽篇曰。發於陽者七日愈。陽數七故也。若七日不愈。欲再傳陽明矣。當針足陽明。迎而奪之也。試玩行其經盡。不曰傳其經盡。則仲景之意。顯然矣。成氏誤認行其經盡爲傳遍六經。乃有自太陽再傳之說耳。或問曰。霍亂篇云。十三日愈者。經盡故也。此非六日傳遍六經。後六日再傳經盡。十三日當愈者歟。仲景云。十三日不解。過經譫語者。當下之。此非十二日傳盡。十三日不愈。爲過經者歟。答曰。經盡者行其經盡之謂也。如太陽受病於一日。至七日爲行。太陽經盡之例推之。則諸經皆可屈指而期矣。陽明受病於二日。至八日自愈者。行陽明經盡也。少陽受病於三日。至九日自愈者。行少陽經盡也。四五六日至三陰經。次第至十二日愈者。行厥陰經盡也。十三日大氣皆去。精神爽慧之期。故曰。過十三日以上不間。尺寸陷者大危。何嘗有再傳經盡。謂之過經之旨哉。詳考仲景所謂過經。或言過太陽經成裏症者。或泛言過經者。陽明篇曰。汗出譫語。燥屎在胃。此爲風也。過經乃可下之。謂燥屎在胃而譫語。風邪在表而汗出。須過太陽經無表症。乃可下之。此言過太陽經成裏症者也。果如成氏十三日再傳經盡。謂之過經。則燥屎在胃。必待十三日乃下乎。於此條則註曰。過太陽經無表症。乃可下之。則自相矛盾矣。霍亂篇曰。下利後當便鞭。音鞭鞭則能食者愈。今反不能食。到後經中頗能食。復過一經能食。過之一日當愈。不愈者。不屬陽明也。此泛言過經者也。何嘗有再傳經盡。謂之過經之旨哉。蓋要祖成氏之說。其過經不解例曰。經言十三日不解。謂之過經。仲景實無

此語誤以成註爲經矣。千古承訛。後學聾瞽。故表而出之。

八

六經七日病愈論

六經以次受病。其愈皆以七日爲期。王叔和曰。其不兩感於寒。更不傳經。不加異氣者。至七日太陽病衰。頭痛少愈。八日陽明病衰。身熱小歇。九日少陽病衰。耳聾微聞。十日太陰病衰。腹減如故。則思飲食。十一日少陰病衰。渴止。舌乾已而嚏。十二日厥陰病衰。囊縱。少腹微下。大氣皆去。精神爽慧也。此論本于素問。從來註疏。不能無誤。請更疏之。不兩感者。非表裏雙傳也。更不傳經者。邪在此經。更不傳彼經也。不加異氣者。不復感寒。感風。感溫。感熱。感濕。而變爲他病也。如是則可以期六經病愈之日矣。太陽篇曰。發於陽者。七日愈。以是計之。乃知六經之病。自一日受者。七日當衰。二日受者。八日當衰。故七日邪在太陽。不傳陽明。更無變症。則至七日。太陽病衰。頭痛少愈。二日傳陽明。更不傳變。至八日陽明病衰。身熱少歇。三日傳少陽。更不傳變。至九日少陽病衰。耳聾微聞。四日傳太陰。更不傳變。至十日太陰病衰。腹減如故。則思飲食。五日傳少陰。更不傳變。至十一日少陰病衰。渴止。舌乾已而嚏。六日傳厥陰。至十二日厥陰病衰。頭痛少愈。大氣皆去。精神爽慧。明乎此。而上章成氏之誤。不辨自見矣。

仲景三百九十七法一百一十三方論

仲景傷寒論。三百九十七法。一百一十三方。醫者但能誦之。欲條分縷析。以實其數者。未之前聞也。余考太陽上篇六十六法。中篇五十六法。下篇

三十八法。陽明篇七十七法。少陽篇九法。太陰篇九法。少陰篇四十六法。厥陰篇五十四法。來病篇二十法。霍亂篇九法。陰陽易。瘥後勞復篇七法。又據舊本。太陽中篇不可汗六法。移在條辨十五篇內。共得三百九十七法。太陽篇七十三方。陽明篇十方。少陽篇一方。太陰篇二方。少陰篇十方。厥陰篇六方。霍亂篇三方。陰陽易。瘥復四方。共得一百一十三方。統而論之。方者。定而不可易者也。法者。活而不可拘者也。非法無以善其方。非方無以療其症。學者先以方法熟習之。後以方法融會之。則方可以隨時變。而不踰仲景之法。法可以隨症立。而不外仲景之方。由是則超于方。亦方也。逸於法。亦法也。若拘拘於一定之軌則。而不思變通。不惟膠柱鼓瑟。抑且浩漫靡窮矣。

陶氏辨差認十六條

刪去原文十二條

非時感冒。誤作傷寒。非時者。四時不正之氣。傷寒者。冬月殺厲之氣。直中陰經。誤作傳經熱症。即無此誤也。夾陰傷寒。夾陰中寒。誤作正傷寒。夾陰者。因房勞腎虛。必有足冷脈沉之異。內傷於寒。誤作外傷寒。

內傷生冷法當溫中。外感寒邪理宜發表。如狂之症。誤作發狂。發狂者。熱邪深重也。血症發狂。誤作濕熱發

黃蘗。一身盡痛。小便不利。此蓄血發黃也。色如煙。蚊跡。誤作發癰。發癰多見于胸腹。蚊跡只見于手足。脈洪大

瘰先紅後黃者。蚊跡也。蚊跡因腎虛。動少陰血。誤作鼻衄。鼻衄。少陰病。但厥無汗而強發之。血從口鼻出

謾服涼藥。迨其無根之火。薰肺而然。獨語。誤作鄭聲。獨語者。無人則言。鄭聲者。頻頻諄復。女勞復。誤作陰

陽易。女勞復者。愈後交合也。陰陽易。痞滿。誤作結胸。結胸。不痛為痞。噦逆。誤作乾嘔。噦者。呃也。乾嘔者。女病易於男。男病易於女也。痞滿。誤作結胸。噦逆。誤作乾嘔。噦者。呃也。乾嘔者。女病易於男。男病易於女也。合病者。二經齊病也。併病者。一經未盡。又過一經之傳。正陽明腑病。誤作陽明經病。宜下經病。

在表陰躁誤作陽狂。陰躁脈沉足冷飲水不下咽也陽狂脈實大渴飲水

察色法

青屬肝木主風主寒主痛面青脣青舌卷囊縮急溫之青而黑青而紅相生者吉青而白枯燥者死赤屬心火主熱太陽面赤當汗陽明面赤惡熱不惡寒便閉譫語可下表裏俱熱燥渴脈洪未可下少陽面赤脈弦小柴胡和之少陰下利清穀裏寒外熱面赤四逆湯加蔥白此陰寒逼其浮火上行服寒涼必死赤而青赤而黃相生則吉赤而黑相尅則凶黃屬脾土主濕黃而明者熱也黃而暗者濕也黃而白黃而紅相生則吉黃而青相尅則凶黃色明潤病將愈枯夭者凶白屬肺金主氣血虛白而黑白而黃相生者吉白而赤相尅者凶黑屬腎水主寒主痛黑而白黑而青相生則吉黑而黃相尅則凶黑氣自魚尾入太陰者死自法令人中入口者死

察目法

目明者吉昏者凶開目欲見人陽症也閉目不欲見人陰症也目中不了了睛不和熱甚也目赤痛者陽明熱也瞑目者將衄血也白睛黃將發黃目睛微定暫時稍動者痰也目皆黃病將愈或反目上視或瞪目直視或目睛正圓或戴眼反折或眼胞陷下皆死症也

察鼻法

鼻青腹痛冷者死微黑者水氣黃者小便難白者氣虛赤者肺熱鮮明者

有留飲也。鼻孔乾燥。陽明熱將衄。鼻孔燥黑如烟煤。陽毒也。冷滑而黑。陰毒也。鼻衄者。風溫也。鼻塞者。風熱也。鼻煽者。肺風難治。

察口脣法

脣焦黑爲脾熱。腫赤爲熱甚。青黑爲冷極。口苦爲膽熱。口甜爲脾熱。口燥咽乾爲腎熱。舌乾燥渴爲胃熱。口噤爲瘧風。上脣有瘡。狐蟲食臟。下脣有瘡。感蟲食肛。脣青舌卷。脣吻反青。環口黧黑。魚口氣促。脣口顫搖。氣出不返。皆死症也。

察舌法

在表則無胎。在半表半裏白胎而滑。在裏則黃胎。熱甚則黑胎。芒刺。不熱不渴。黑胎。有津爲寒。舌乃心苗。紅爲本色。故吉。黑爲水色。故凶。凡舌硬。舌腫。舌卷。舌短。舌強者。十救一二。舌縮神昏。脈脫者死。陰陽易。舌出數寸者死。夏月黑胎可治。冬月黑胎難治。黑胎刮不去。易生刺裂者死。凡見舌胎。以井水浸青布。擦淨舌胎。薄荷細末。蜜調敷之。吐舌者。搽冰片末。卽收。

察耳法

耳輪紅潤者吉。或黃或白。或黑或青。枯燥者凶。耳聾腫痛。屬少陽可治。耳聾舌卷脣青。屬厥陰難治。

察身法

身輕能轉側吉。身重難轉側凶。凡陰症。手足冷。踞臥惡寒。好向壁臥。閉目惡明。懶見人。陰毒身如被杖。重難轉側。凡陽症。身輕手足煖。開目喜見人。

皮膚潤澤者生。枯燥者死。頭重視深。天柱骨倒者死。循衣摸牀。兩手撮空。神去而魂亂也。脈浮而洪。身汗如油。喘而不休。形體不仁。乍靜乍亂。此爲命絕。

察聲

少陰咽中有痞則不語
大陰火來乘金則無聲

出言壯厲。先輕後重。爲外感有餘之症。語言懶怯。先重後輕。爲內傷不足之症。怒罵叫號。奔走不定。謂之狂言。無人則言。見人則止。謂之獨言。語無倫次。數數更端。謂之譫語。一事一語。頻頻諄復。謂之鄭聲。睡則多言。喚醒則止。謂之睡中呢喃。出言不正。旋自知非。謂之錯語。鼻塞聲重。爲傷風。唇瘡聲啞。爲狐惑。口噤攣搐。爲痙症。鼻鼾語澁。爲風溫。笑爲心聲。呼爲肝聲。哭爲肺聲。歌爲脾聲。呻爲腎聲。

察脈

浮大動數滑爲陽
沉澹弱絀微爲陰

浮候。舉指於皮膚之上。輕手得之曰浮。主在表之症。浮緊有力。無汗惡寒。爲寒傷營。浮緩無力。有汗惡風。爲風傷衛。

中候。尋指於肌肉之間。不重不輕。而得曰中。主半表半裏之症。洪而長者。陽明胃脈也。弦而數者。少陽膽脈也。

沉候。按指於筋骨之下。重手得之曰沉。主在裏之症。沉數有力。爲熱邪傳裏。沉遲無力。爲直中陰經。

浮爲表屬陽。沉爲裏屬陰。遲則爲寒。數則爲熱。數大無力。爲陽中伏陰。浮數有力。爲純陽。浮緊有力。爲寒在表。沉實有力。爲陰中伏陽。沉細無力。爲純陰。沉數有力。爲熱邪傳裏。浮而遲澁。浮而軟散。皆虛。浮而緊數。浮而洪

滑。皆實。沉而細弱。沉而遲伏。皆虛。沉而滑數。沉而堅大。皆實。乍大乍小。乍數乍疎。此爲死脈。亦爲祟脈。

細察浮中沉三候。而別其有力無力。則陰陽表裏虛實。自無遁情。但能於此精求。臨症萬無一失。陽症之脈。以大則病進。小則病退。陰症之脈。以沉伏病進。遲緩病退。汗後脈當安靜。躁亂者死。溫後脈當漸出。歇止者死。表症而脈伏者。有邪汗也。昏沉而脈靜者。欲戰汗也。

陰症見陽脈者生。眞陽來復之象。任受補也。陽症見陰脈者死。正氣衰微之象。不任受攻也。

足脈二條。一曰跌陽。又名衝陽。又名會源。陽明胃脈也。在足面大指間。五寸骨間動脈是也。病勢危篤。當診跌陽。以察胃氣之有無。蓋土爲萬物之母。後天之根本也。經曰。衝陽絕死不治。一曰太谿。少陰腎脈也。在足內踝後跟骨上陷中動脈是也。病勢危篤。當診太谿。以察腎氣之有無。蓋水爲天一之元。先天之根本也。經曰。太谿絕死不治。

太陽脈似少陰少陰症似太陽辨

太陽脈似少陰。少陰症似太陽。雖曰相似。治法不同。脈沉發熱。同也。以其有頭疼。故名太陽病。陽症脈當浮。今反不浮而沉。裏必虛寒也。身體疼痛。但宜救裏。使正氣內強。逼邪出外。用乾薑生附出汗而解。若裏不虛寒。則必脈浮。正屬太陽麻黃湯症矣。脈沉發熱。同也。以其無頭疼。故名少陰病。陰症當不熱。今反發熱。寒邪在表。未傳於裏。但皮膚鬱閉而爲熱。如在裏